

Кому Республикаса том войтырлөн газет



Сідзкө,
стартуйтам?!
4-Б л.б.

**Тайё
НОМЕРЫН**

Кольом вежонө «Коми йөзөдчан керка» автономной учреждениеысь журналистгъяс видлісны асьыныс выннысö ГТО-ысь («Готов к труду и обороне») спорт нормативгъяс сдایتöмын.

4.5
л.б.

Октябрь 21 лунö Сыктывкар бердысь Вылыс Максакровка «Лира» прöст кад коллялан шöринын бара на вöлі вель гажа: ичöt класса ныв-зонмöс ворсöдiсны важся коми ворсöмгъясысь Эжваса коми культура шöринысь уджалысьяс.

8
л.б.

Школаын велöдчысьяслы паськөм йылысь ёна нин сёрнитiсны бать-мам да велöдысьяс. Öтилы сийö колö, а мöдды - оз. Европаса уна школаын паськөм дасьтöны дизайнергъяс. Странаясын, кöни быд школаын эм аслас торгъя паськөм, весиг ордйысьöны, кутшöм школаын сийö мичаджык.

13
л.б.

Тшöкыда лавкаысь адзылан сунисысь вöчöм шаргъяс - быдсяма рöмасö, ыдждаасö. Вöлöмкö, аслыд татшöм мичлунсö зэв кокныд вöчны. И керка пытштö наён мичмöдан, и вильвося коз вылö чача лöб, и весиг мича светильник-люстра артмас.

16
л.б.



Вайöдан нывгёрттö - босьтан козин

Комиын водзö нимöдöны нывгъяс пöвстын мини-футбол. «Волонтёр» котырөн веськöдлысь Дмитрий Плотников серти, йöзтö спортö кокниджык ышöдны кутшöмкö акция отсöгөн. Сiдз, «Волонтёр» заводитöма нуöдны «Приведи подругу» акция.

- Акцияслөн мöвп - вайöдан кö аскöдыг нывгёрттö мини-футболөн ворсан секцияö, тэныд таясь вермас усны торгъя козин. Кутшöмджык? Ог на висгтав, но вермысьяслы кажитчас. Быть пасгъя, мый став тренировкаыс мунö дон босьтöг. «Вайöдöм» мортыслы быть колö волыны кöть öти тренировка вылö, - тöдчöдö Д.Плотников.

Секцияö босьтöны 14 арöссиян нывгъясöс. Акцияыс мунас октябрь 20-öд лунсян ноябрь 1-öд лунöдз.

Ордйысясны «баттлын»

Октябрь 25-öд лунö Ухтаын лöб «UNITED BATTLE» йöктöм кузя вермасьöм.

- Тайö гажсö нуöдам мöдгысь нин. Миян мукöд проектсы сийö торгъялö некымын тор серти: ставөн вермасысны сöмын «баттлын» да некодöс оз торйöдны арлыг серти, а сöмын йöктан сям кузя. Лöбны «Хип-хоп профи» да «Хип-хоп новички» номинацияяс. Сiдзкö, профиөн вермас лоны кöть 10, кöть 25 арöса. Судгъяөн лöб «крамп» стильын мирын медбур йöктысь Антон Пашуля, - шуö «United Bit» котырөн веськöдлысь Алексей Грешняков.

Медым веськавны видзöдысьлы «баттлö», ковмас ньöбны 200 шайта билет.

«Коминформ» серти

ДОНА ЁРТ!

Тэ öнöдз на эн гижöдчы «Йöлöга» вылö? Сöмын ёртыдысь босьтлан либö библиотекаын öдгйö видзöдалан лист бокгъяссö? Абу öмöй окота, медым гортöдзыг воис газетыд? Эн шогсы - тэнад эм позянлун гижöдчыны тавося бöргъяк кык тöлысь кежлö.

Пошта пыр гижöдчан доныс (октябрьсян декабрь помöдз): 66 шайт.

Вай öтув тэкöд сигöртам тайö восö, а сэсся нин бара гижöдчам «Йöлöга» вылö локтан 2015 во кежлö! Сёрнитчим öд?



ЕНБИ

Октябрь 11 лунö Кудымкарын муніс челядьлөн «Сильган» регионъяскостса творчествоя фестивалъ. Отсалöма гажсö нуöдны Перым крайса губернатор. Могыс – нимöдны челядь да томулов пöвстын перым-коми да мукöд финн-йöгра кывъя сьыланкывъяс.

Сьöлöмтö вöрзьöдасны «Катшасинъяс»

Гажö пырöдчисны Удмуртиясь, Марий Элысь, Ханты-Мансийскысь, Архангельскысь, Кудымкарысь да Комиысь сьылысьяс. Миян республика нимсян петкöдчис Валерия Вокуева.

Валерия - Емдін районса Туискерöсысь. Ичöтсыныс нин сцена вылын, мичаа да сьöлөм вöрзьöдана сьылö, а тшöтш и вылын артисталан сямьс. Сьлөн репертуарын коми йöзкостса да авторской сьыланкывъяс. Валерия окоташырысь пырöдчö районса фестиваль-конкурсö да концертъясö. 2013 воын босьтлöма Емдін районса администрацияөн веськöдлысьянь премия «Одарённый ребёнок» уджтас серти. Ставыс тайö сетіс поэянлун петкöдчыны регионъяскостса фестивалынь.

Валерия медводдзаысь на вöлі татшöм вылыс тшупöда фестива-

лынь. Кудымкарö воіс 80 сайö енбиа морт. Гажсö нуöдисны 7-10, 11-15 арöсяяс. Гала-концерт вылö бöрийсны медбуръяссö. «Катшасинъяс» сьыланкывйöн Валерия уналы воöма сьöлөмас. «Сильган» фестивалынь Валерия босьтöма мöд тшупöда диплом, сьöма да мукöд сикас козин.

Зэв нимкодъ, мый Емдін районса челядь петкöдчöны оз сöмын ас район-республикаын, но и мукöд регионьын. Тадз найöс нöшта на ышöдан вермöмлань.

Чолöмалам вермöмөн Валерияöс да сылысь веськöдлысь Нина Римскихöс. Регыд ныв петкöдчас Емдін район нимсян челядьлөн «Сьыланкывкöд коля» республикаса фестиваль дырйи.

Выль вермöмъяслань!

*Айкатыла культура керкаын директорöс вежысь
Т.М.РЫЧКОВА.*



**Рöдвуж
ОРДЫН**

Стае войтыркостса финн-йöгра томуловлөн «FUROR» форум таво мунас ноябрь 28-30 лунъясö Кулöмдін районса Помöсдін сиктын.

«FUROR» форум - Помöсдіннын

Сьлөн могыс - адзыны ылі сикт-грездысь да сетны поэянлун водзö сöвмыны коми томуровлы, кышöдны финн-йöгракöд йитчöм юалöм-мытшöдьяс, шыöдчыны веськöдлысьяс дорö да видлыны мынтöдчыны став ковтомлунсыс. Форум дырйи жö кутасны видавны том йöз водзын сулалысь юалöмъяс да кыдзи найö пöртсьöны олöмас. Сідзжö Помöсдін сиктлы кутасны вöйыны пырöдчыны «2015 вося финн-йöгра муын культура юркар» уджтасö.

Форумö пырöдчыны вермасны 18-35 арöса томулов. Делегацияын - кыксянъ квайт мортöдз. Быдöнсянъ виччысьöны докладъяс. Кутасны уджавны секцияяс, а такöд тшöтш лоö пленарной заседание. Быд котырлы поэь вайны ас войтырыслысь сьыланкывъяс (цифрöвöя да кабала вылö печатайтöмөн), сэсся на улын

позяс йöктыны котыртöм этно-дискотека дырйи.

«FUROR» котыртсыяс гөсьтъясöс кутасны вочавны Сыктыв-карын, Помöсдінöдз нуасны ставнысö ас тшöт весьтö. Гөсьтъяслы ковмас овны семьясын.

Медводдзаысь татшöмсыма форумыс котыртчыліс 2012 вося декабрын да муніс Сыктывдін районса Ыбын, финн-йöгра этнопаркын. Мöдыс вöлі кольöм вося декабрын Сыктывкарын.

Finugor.ru сайт серти



Кольём вежонё «Коми йёзодчан керка» автономной учрежденииесь журналистыяс видлісны ассыныс выннысё ГТО-ыс («Готов к труду и обороне») спорт нормативьяс сдایتöмын.

Сідзкө, стартуйтам?!

А сідз шусяна «вызов» сетісны коми журналистыяслы Сыктывса райсöветысь депутатъяс. Учреждениеса вит коми газет-журналын зільысьяс медводз котörtісны кад вылö: мужичöйяс куйм да аныяс öти километра.

Неуна шойччыштöм бöрын ставөн чеччалісны места вывсыянь, коді ылöджык, удитісны тшöтш и отжимайтчыны. Медбöрын мужикулов турник вылын выннысö петкөдлісны.

Вөлөмкө, зэв на и пелькөсь да востерөсь журналистыясды - ставөн вермисны петкөдыны зумыд эбөс-вын, öд на пöвстын унджыкыс спорттö радейтöны.

А öні нин «Коми йёзодчан керка» автономной учрежденииесь журналистыяс корöны ГТО-ыс нормативьяс сдایتны «Юрган» телеканалын, «Коми войтыр» öт-мунöмын да Коми Республикаса национальной политика министерствоын уджалысьяслы.

Галина МАКАРОВА.



КОНКУРС Коми Республикаса гижысьяслөн котыр неважён дасьтис челядьлы да том йӧзлы «Виль нимъяс» республикаса конкурс. Сиӧма сійӧс нималана роч поэт М.Ю.Лермонтовлӧн чужӧмсяньыс 200 во тырӧмлы, а такӧд тшӧтш и Коми муын государственной кывъяс видзӧм-сӧвмӧдӧм да томуловлысь гижӧм дорӧ кӧсйӧмлунсӧ кыпӧдӧм могысь.

Районса тшупӧд лои вуджӧма

Октябрь 10 лунӧ конкурслӧн районса юкӧн лои кывкӧрталӧма нин. Кӧрткерӧс районьыс сэтчӧ пырӧдчис 25 велӧдчысь. Кывбуръяс да висыгыяс челядь ысталісны комиӧн да рочӧн.

А октябрь 17 лунӧ Шойнагыса да Ыджыдвидзса библиотекаясн мунісны нин гижысь войтыркӧд адззысьлӧмъяс. Коми Республикаса гижысь котырӧ пырысьяс Елена Афанасьева да Андрей Попов висыталісны ныв-зонлы, кутшӧм ногӧн колӧ гижны, кутшӧм медшӧр сюрӧсыс литература гижӧдлӧн, а такӧд тшӧтш вӧчисны конкурслӧн районса юкӧнлы кывкӧртӧд.

Районса тшупӧдын вермысьясӧн лоины Шойнагысь Карина Сидоркина, Карина Ипатова, Александра Степанова да Ыджыдвидззысь Полина Старцева, Виктория Макарова, Кристина Игушева да Юлия Макарова. Тайӧ нывъясыс и кутасны ордысьны «Виль ним» вӧсна республикаса тшупӧдын нин, кодӧ мунас ноябрь 14 лунӧ.

Валентина ШЕСТАКОВА



Эм татшом удж



Октябрь төлысьлөн медбөръя шойччан лунө пасйоны автотранспортын уджалысьлысь лун. Таво профессиональной гажсө пасйоны октябрь 26-өд лунө.

Сиктса шопер - карса туй вылын

Странанын став туйыс йитчө-ма өта-модныскөд, эм позянлун волыны уна-уна кар-сиктө. Быд во и машина лыдыс содө, а шо-

перлөн уджыс некор оз коль ковтомөн.

Сыктивкарса «Автоспасын» уджалоны и сикт-грездысь воом



йөз. Көрткерөс районса Сюзяыб грездысь Герасим Игушев уджалө автобус шоперөн мод во. А Куломдін районса Джеджимысь Евгений Напалков - 5 во. Быд лун найө новлөдлөны йөзөс кар кузя, заводитөны уджавны водз асыв-сянь, ветлөны 46, 44, 17, 5, 4 да 3 номерьяса автобуслөн маршрут туйөд.

- *Лунтырнаг быдсыма йөзсө ковмылө новлөдлыны - и шансьө, и пинясьны радейтысьсө. Мукөд-гырийи юысь, олөмсьыс лэдзчысьысь йөз пуксясны автобусаг да оз мынтысьны. Татшомьяссө, герт, өлөдгөмөн чеччөдам автобусысь. Но пыр зиям отсавны ичөт челядя, көляскаа мамьяслы, олөма йөзлы, - висьталөны найө.*

Сиктысь воом том зонъяслы кок вылас зумыда сувтөм могысь колө ёна нажөвитны сьом. Унаөн пө ветлөдлөны автобусөн сідз шусяна льготникъяс. Та понда нажөвитөм сьомыс некытчө оз тырмы. Но нинөм вылө видзөдтөг, налөн уджыс колана быд мортлы. Од быд лун йөз пыр кытчөкө тэрмасьоны: кодү удж вылө, кодү велөдчыны, а шоперлөн мог - бура вайөдны найөс коланаинөдз да ас кадө.

Екатерина МИКУШЕВА.
Снимокыс авторлөн.

Чолөмалөм воөма Президентөдз

Ю.Спиридонов нима искусствояс гимназияын медводдза классын велөдчысьяс ыстөмаөсь Владимир Путинлы чужан лун кежлас чолөмалөм. Гимназияса директор Мария Кузьбожевалөн кывъяс серти, челядь да велөдысьяс стөча эз төдны, воас-ө насянь гижөдыс странаөн веськөдлысьлы.

А со тай, воөма! Став Россияса «Качественное образование во имя страны» форум дырйи, кодү мунөма Пензаын, УГТУ-са ректор Николай Цхадая сетөма чолөмалөмсө Президентлы. Владимир Владимировичлы пө лоөма таысь зэв нимкодь. Тайө жө форум вылас вөлөма и ачыс Мария Кузьбожева да сетөма некымын вөз-йөм Россияён веськөдлысьлы.

«Коминформ» серти





КОЛАНА УДЖ Октябрь 18-өд лунö Кулөмдінса культура керкаын муніс йөзлы удж вөзьян республикаса ярманга. Сэтчө волісны Кулөмдін районса организациясысь 28 уджөн могмөдысь, нөшта өти - Сыктыв-карысь. Ставнас йөзлы вөзйисны 195 удж, көні удждоныс вежласьöма 6 сюрсянь 57 сюрсөдз.

Уджтөмалысьлы отсөг

Кыдзи и пыр, гажыс воссис кыпыда - сьылөм-йөктөмсянь. Та бөрын заводитчис шөр аддзысьлөмыс. Медводз сёрнитісны Кулөмдін администрацияөн веськөдлысь Дмитрий Шатохин да йөзөс уджөн могмөдан районса шөринөн веськөдлысь М.Савицкий.

Ярманга вылө воліс 205 морт, на лыдысь сизимдас квайтис - уджтөмалысьяс. Быдөнлы зілісны отсавны удж аддзөмын. Отсөг вылө дасьтылісны буклетгяс: кыдзи вөчны резюме, вермытөм йөзлы удж аддзөм йылысь вөзйөм, медбур бизнес-план, кыдзи заводитны ас удж да сідз водзө. Отсалісны и вахтаөн удж серти колана юөр аддзөмын.

Быдөнлы, коді воліс ярманга вылө, сюрис колана юөр, кодсюрөс корисны нин удж вылө. Йөзөс уджөн могмөдан Кулөмдін районса шөрин аттьөалө ставнысө, коді воліс ярманга вылө.

Йөзөс уджөн могмөдан Кулөмдін районса шөринлөн юөр серти.





ГАЗ

Октябрь 21 лунö Сыктывкар бердысь Вылыс Максаковкаса «Лира» прöст кад коллялан шöринын бара на вöли вель гажа: ичöт класса ныв-зонмöс ворсöдiсны важся коми ворсöмъясысь Эжваса коми культура шöринысь уджалысьяс. Культура вокöд йитöдын тайö кык учреждениеыс во гöгöр чöж нуöдöны «Культурный десант» акция. Буретш акция подулас и нуöдiсны челядьлы «Важся олысьяслön ордымöд» велöдан-ворсöдан уджтас.

Кужасны нин ворсны

Медшöр могыс уджтасыслön - тöдмöдны быдмысь войтырöс коми йöзкостса ворсöмъясöн, висьтавны важся вöралан календарь йылысь да чужтыны челядь сёлöмö коми культура дорö муслун.

Эжваса коми культура шöринысь специалист Елена Иванова медводз висьталiс кыйсян-вöралан календарлön история йылысь. Шуам, мыйла воыс заводитчылöма март тöлысянь да серпасалöма сэтчö ошкöс, а сэсся нин мунö көр да мукöд вöрса пемöс.

Вöрса пемöсьяс йылысь нöдкывъяс тöдмалiгмоз дзoлюкъяс окотапырысь ворсiсны важся коми вор-

сöмъясысь: «Ошкö-бабö», «Чур, юр!», «Шыр да пельöс», «Гизь-гизь, гораньöй», «Изки карнан», «Синтöм горань», «Кык көр» да уна мукöд. Быд ворсöм бöрын, шойчигмоз, челядьлы висьтавлiсны календарса пемöсьяс да тшöтш и Пера-багатыр йылысь.

Ныв-зонлы ёна и кажитчис татшöм ногөн гажöд-чöмыд, öд посниулов оз быд лун ворсны да и оз тöдны важся коми ворсöмъястö. А татшöм уджтас бöрас, чайтам, вермасны нин ас костаныс ворс-нытö.

Миян корр.



АДДЗЫСЬЛӨМ

Кольом вежонё «Коми йёзёдчан керка» автономной учрежденииё волісны журналистъяслөн том ёртъяс - Ю.Спиридонов нима искусствояс гимназияын велёдчысьяс. Медшөр могныс налөн вёлі тёдмасьны республикаса газет-журналын уджалысьяскөд, а өттшөтш и ас синмөн аддзывны газет вёчөм, мый ради томулов ветлісны юркаса типография.

Гашкё, збыльысь журналистён лоны да?

Гимназияса том журналистъяс пөвстысь ставён ветлоны «Национальная журналистика» кружокё. Уджалё накөд «Коми му» газетысь журналист Павел Симпелев. Томулов кужонынин мыйтакё гижны, вёзйоны ассыныс гижёдыссё «Йёлёга» газетё, а такөд өттшөтш дасётоны гимназияын петысь «Горадуль» газет. Павел Симпелев вёзйёма челяды ветлыны типография, ме-

«СМИ - тайё мян олөмын ыджыд вын. Ставсё петкөдө йёз водзё, лёксё и бурсё. Газет-журналтё көть киад унаысь кутыштлан, геждо мөвпыштлан, кызди сійё вёчсьё. Кор заводитлім лэдзны асланым классысь газет, лои гөгөрвоана, кызди чужоны статьяс, кызди редактируйтчөны найё, кызди вёчсьё газетлы вёрстка. А кызди нин компьютер бөрын ставыс порё бумага листьясё - эз вө помөдз гөгөрвоана.

уджалысьяс. Ставсё аддзылөм бөрын ми чөскыда юим чай да сёлөмсянь сёрнитім газет-журналён талунья олөм

Но та вылө видзөдтөг, журналистика - зэв аслыспөлөс нырвизь. Тані тэ унаторйё велёдчан: повтөг матыстчыны да сёрнитны төдтөм морт-



дым ас синмөн видзөдлыны, кызди вёрсткасянь нин газетыс воё лыддысьысьөдз, а тшөтш и пыравны «Коми йёзёдчан керкаё» да тёдмасьны коми газет-журнал вөчысьяскөд.

Гимназистъяс, 8 «г» да 11 «г» классъясын велёдчысьяс, эз тай небось чөв овны: быдторсё юасисны, быдтор налы окота төдны. Со гимназияса велёдчысь Полина Игнатова юксис «Йёлёга» лыддысьяскөд аслас мөвпъясөн:

И со нин ми, Павел Иванович Симпелевлөн журналист-быдтасъяс, ветлам типографияті, чуймалам ыджыд печатитан машинаяс дорын, сюся видзөдам удж бөрся. Тадзи жё вөлөм чужоны «Коми му», «Йёлёга» газетъяс, «Коми кыв» учебникъяс да уна мукөдтор.

А сэсся пыравлім «Коми йёзёдчан керкаё», көні бура вочаалісны мянөс веськөдлысь Вячеслав Попов да республикаса газет-журналын



йылысь. Весиг мойвиис пукыштны Павел Ивановичлөн да директорлөн «сарлөн кодъ» креслөясас да сетны кыв, мый кутам и водзё гижны комиён газет-журналыясё.

Меным тані кажитчис. Став вылас видзөдлөм бөрын весиг мөвпышті: гашкё, збыльысь журналистён лоны да?»

Дерт, газет-журналын уджалөмыд абу кокни.

көд, юасыны сёлөн олөмын вөвлөмторъяс йылысь, сюся кывзыны мөд мортөс, сюркнявны пель саяд сылысь мыгшөдсё, отсавны разны-бырөдны сійөс, а такөд тшөтш и кывкутны гижөд да шуөмтор вөснайд. Бур журналистөдзыд быдмөм могысь колө ёна уджавны. Сідзкө, ставыс том йёз сайын!

Кристина СЕРГЕЕВА.



Снимокъясыс Павел СИМПЕЛЕВАӨН.

Со и воис сійö дыр виччысяна луныс, код йылысь дыр нин казътыліс дзöля Кирö пöльыслы - пöрысь Кирöлы. Аслас сиктын нималана чери кыйысь пöрысь Кирöос йöзыс ёна пыдди пуктöны. Некор оз öткажит ас войтырлы, шыöдчасны кö сы дінö кушöмкö праздник водзвылын сола либö свежой черила. Абу скуп. Эм кö, пыр нин сетас. Сійöс ылысянь пыр и тöдан. Шöркодь тушаа. Паськыд пельпомъяса. Дзор тошка. Мудер синъяса. Пыр кытчöкö неуна гөрбыльтчигмоз ньöжйöник тотшöдö да дутдывтöг тшынасьö аслас калянöн.

Ставыс эськö бур пöрысь Кирöлөн, сöмын бөръя кадас кокъясыс слабитны кутісны. Тыдалö, вадорын уна во чöж лун и вой келалöм вöсна. Медбöрын шуис ыджыд ванас лэччöдлыны аскöдыс вадорö войколөн чери кыйны дзöля Кирö внуксö. Гашкö пö, бөръя гожöм колляла вадорын. Сэсса пö оз нин удайтчы лэччылыны. Босьтла пö тшöтш Дзöля Кирöос. Дыр пö нин вöзйыис бöрдöмсорөн. Вермас лоны, ме кодъ жö чери кыйысөн лоас да сідзжö кутас радейтны вадорсö. А дзöля Кирöос пöльыслөн нимнас жö сылөн корöм серти и шуисны бать-мамыс. Мед пö менö, пöрысь чери кыйысьöс, оз вунöдны да дыр на кутасны помнитны сиктын.

- Сöмын эн кынты да эн вöйт кытчöкö ичöтсö, - шуис пöля-внукаöс кольöдигмоз да найöс пасъялігмоз Парась бабыс.

Чöv, мый нö тэ нинöм абусö сöран, - вомалыштис сійöс пöрысь Кирö. - Ми öд огö ылöдз и мунöй. Сикт кыр горулö и сувтам. Яков мельнича дорöдз со ыджыд ваыс воöма. Сэсянь неылö, ойдöм Лёк нюрö, и вöйталі кулöмъясöс. А узмöдчам мельничаыскöд орччөн нывыс лыскысь вöчöм чомйын.

Медбöрын пöля-внука шонид курткааöсь, кузь сапöгаöсь, вурун шапкааöсь мöдöдчисны вадорлань. Тувсовъя луныс вöлі ыркыдкодь. Сэтчö жö и вой төв кыськö тöдлытöг петöма. Öнi пöрысь Кирö весиг вомаліс нин кузь кывсыс Парась гөтырсö да каитчыштис, мый босьтис аскöдыс ичöt Кирöос. Мед эськö оз жö кынмы сійö. Но бөр öд он кос, мöдöдчöма кö нин.

А сэскості тыдовтчис нин Яков мельнича дорöдз воöм тувсовъя

Пöрысь Кирö да дзöля Кирö

ытвалөн помтöм-дортöм отыс. Кытчö он видзöды, сэні и гылаö ва. Со ылынджык веретясын и козъяс, и пожöмъяс, и кыдзъяс, и пипуяс быттьö нарошнö келöмаöсь ваö да мыськöны ассыныс кокъяснысö, зильöны мездысьны төвбыдся унзильысь. А лэбач-пöткаыс мыйта ва шöрас. И уткаяс, и юсыас, и дзодзöгыас, и турияс. Уялöны-купайтчöны, ас коласаныс мый йылыськö гораа сёрнитигмоз да тувсов ытванас нимкодясигмоз. А вылі енэжын накöд чуксасьöны войвывлань лэбысь лэбач-пöткалөн кельöбъяс, быттьö корöны тшöтш лэбны.

- Кутшöм гажа тани, гортö эськö эг и кайлы вадорсысь! - эз вермы терпитны да горöдiс дзöля Кирö.

- Быд тулыс таdzi овлö, - вочавидзис нимкодясысь внук вылас видзöдигмоз пöрысь Кирö. - Быд тулыс Медыджыдыс вöчлывлö став ловъя лолыслы татшöм гажсö. Татчö волан да бара на окота лоö овны водзö. Со и кевма аслым, мед эськö унаысь на удайтчылас адззывны тайö кыпыдлунсö.

А сэсса пöрысь Кирö пуксьöдiс ассыс внуксö пыжö да кутіс тэрмасьтöг сынны Лёк нюр вожлань, кытчö и вöлі вöйталöма ботанъяссö. А дзöля Кирö видзöдö ас гөгöрыс да шензьö. Сё дивö! Таті öд гожöмнас сійö көмтöм кокөн котравліс вадорлань. А со öнi гөгөр ставыс ваын. Весиг пöльыслөн пелысыс оз подйы. Дзик быттьö кушöмкö саридзтi кывтö пыжыс. А дерт. Мыйта төвбыднас лымыйс усис. И со öнi сійö сыліс. А ваыслы колö кытчöкö воштысьны. Сійөн ойдöдiс быдса видзьяс да веретяяс. И дивö öд босьтö ичöt

Кирöос. Вөлöмкö, пыжсыд ва вылын уялысь лэбач-пöткаыд оз нин сэтшöм ёна повны. Сöмын качöдчыласны, неуна лэбыштасны да неылö бөр пуксьöны. Быттьö көсйöны шуны, тi пö мунöй асланыд пыжнаныд кытчö колö, сöмын пö мянлы энö мешайтöй шойччыны. А ичöt Кирö видзöдö неылын уялысь лэбач-пöтка вылö да ас кежысь сiö налы быд бурсö.

А со нин налөн пыжыс воис Лёк нюр вож помö. Пöрысь Кирö тэрмасьтöг видлаліс ассыс ботанъяссö да бөр вöйталіс ваö. Та пöрйö эз вöv уна сюрöма. Но юква вылад тырмас. Пöрысь Кирö кутіс лача, мый войнас надейнö видзьяс вылö вердчыны локтысь чериыс мыйтакö веськалас сылөн ботанъясö да удайтчас тшöтш и гортсаясöс номсöдлыштны.

А сэсса пöрысь Кирö да ичöt Кирö ботанъяс видлалöм бöрын локтісны Яков мельничалань неылын пашкыр коз улö вöчöм чом дінö, биасисны да кутісны пуны кыйöм чериысь юква. Пöрысь Кирö весаліс негырысь сын-кельчи. А ичöt Кирö гумовтiс пöртйö ва да öшöдiс мöтыр вылö.

Сэскості чимгöрд шондiыс кутіс матыстчыны енэжлань. Но ывлаыс эз ёна рöмды. Збыльысь сёр тулыснад öд шондiыс сöмын недыр кежлö саявлö. Войясыс югыдöсь овлöны. И став ловъя лолыс сöмын недыр кежлö ныровмунлö. Некор узынысö, кор бара виль олöм заводитчö. А тайö пöрйö сідз нин ён вой төлыс шондi пуксигас друг нöшта öдзис да кутіс вöтлыны помтöм-дортöм ва вывтi веж гыас. И друг мойд кодъ серпас петкөдчис пöрысь Кирöлөн да ичöt Кирöлөн синъяс водзын. Найö весиг юк-



васо дугдисны панявны. Енэжті лэбысь дзодзөг-юсьяслон кельобъяс, тыдало, кузь лунтыр лэбөм борад эз вермыны венны асланы мудзөм бордьясон яр вой төвсө да бордьясанан швачодчөмөн пондिसны пуксявны джуджыд кыр горувса паськыд ва выло. Оні найо весиг эз ена повзыны бипур дорын пукалысь поля-внукаысь. Да и модьясыс эз зальны повзбодны мудзөм лэбачпөткаос. Код тодас кымын ловъя лов пуксис пөрысь Кирөлөн да ичөт Кирөлөн синьяс водзын. Но ставнас ва веркөсыс вөлі лым кодь еджыд пукалысь дзодзөг-юсьясысь.

- Кывзы, пөльой, а друг кө нө оні кодкө лыяс тайо пөткаыссө, - шыодчис дзөля Кирө пөрысь Кирө динө.

- Чөв ланьт! - повзөмпырысь пыр жө вочавидзис пөрысь Кирө. - Сөмын неморт вермас оні босытны оломсө пикө воөм пөткаыслысь. Найо воисны лунвывсян гортаныс, көні коркө чужлисны быдымылсны. А оні бара кутасны быдысыны, выль олом сетны асланыс пияныслы. И грек торкны налысь олан туйсө.

А ва вылын узьмөдчөм лэбачпөтка дзикөдз ланьтөдчисны асылөдзыс. Унмовсис бипуркөд орччөн и дзөля Кирө. Пөрысь Кирө шебраліс детинкаос важ курткаон да пуксис орччөн би дорө ассыс калянос куритимоз. Тувсовья войяснад пөрысь мортлөн эз нин ена узьсывлы. Сійо оні видзөдіс ва выло да нимкодьясис сы водзын бөр ловзысь оломнас. Кутшөм бура вөчөма

Медыджыдыс оломас. Төвнас бытгө ставыс кувло. И кажитчывло нин сэки, мый пом воис став оломыслы. Но со шондяс бөр заводитө шонтыны гегдөм мусө. И бара сыло лым, вөсьсөны кыз йи улысь юяс. И бара чужө выль олом. Чужөны выль ловъя ловъяс, кодьяс сэтшөм шудаось тайо шондјувса оломнас. И мед жө эськө тадзи пыр лоө. И некор оз помасьлы тайо шондјувса оломыс.

Со и пөрысь Кирөлөн ичөт Кирө внукуыс быдмө. И мед жө сійо эськө пөльыс моз жө кутас радейтны ас мусө, ас вөр-васө.

И бытгө тайос төдөмөн ичөт Кирө сэки вөталө аслысикас вөт. Со сыкөд орччөн сулалө ачыс кузь тошка Васасыс, код йылысь сылы висьтавлывліс пөльыс. Сулалө да бурсийө ичөт Кирөлы.

Тэнад пөльыд, пөрысь Кирө, бура оліс ассыс оломсө, некор эз дойдавлы вөр-васө, лишной сылысь эз босытлы да сэк жө пыр видзис сійос омоль синьясысь, горш киясыс. Пыр зиліс, мед и локтан олысыясы нэм кежлө тырмис Енмөн сетөмторйыс. Регыд нин сійо мунас тайо шондј увсыс. Но и тэ велөдчы сы моз жө овны да видзны-дөзбөритны тайо оломсө.

И друг кытчөкө вошө Васасыс. А Кирөос кодкө бытгө кыскө вадорысь гортлань. Но сійо оз көсйи некытчө мунны татшөм гажайнсыс. Тайо пөрысь Кирө садьмөдө ичөт Кирөос:


- Чеччы нин чеччы, донай! Тадзинад став оломтө узян. Со дзодзөг-юсьясыд садьмисны жө

нин да тэкөд прощайтчыны көсйөны.

И дзөля Кирө пыр жө вөсьтө синьяссө. Ва вылын узысь лэбач-пөтка и збылысь садьмөмаось да гораа мый йылыськө сөрнитөны ас костаныс. Тыдалө, лөсьөдчөны лэбны водзө. А яр төлыд войбыднад ассыс скөрлунсө лэдзөм бөрын кытчөкө удитөма пышйыны. Со и асья шондј нин лөсьөдчө петкөдчыны ылі верегяяс сайсян. А дзодзөг-юсьяс кыпөдчөны енэжө да ытва вөсьтти ыджыд кытш вөчөм бөрын гораа прощайтчимоз модөдчөны водзө лэбны войвывлань. Дзөля Кирө дыр видзөдө на выло кияснас өвтчимоз, кытчөдз лэбысь кельобъяс оз саявны джуджыд кыр сайө.

А сөсья пөрысь Кирө да ичөт Кирө бара модөдчөны видлавлы Лөк нюр вожө вөйталөм ботаньяс. Та пөрийө налы сюрөма унакодь мича сын да кельчи. Лоө мыйон гөститөдны гортсаос.

И пөрысь Кирөлы да дзөля Кирөлы нимкодь лов выланыс. Черисө мешөкө сөвтөм бөрын найо кыскөны пыжсө чөм дорө да модөдчөны гортланьыс. Пөрысь Кирө мөвпалө ас кежысь аслас кузь олом йылысь да нимкодьпырысь видзөддывлө ичөт Кирө выло, кодлы, тыдалө, збылысь сьолөм серти лоис вадорыд. А дзөля Кирө пөльыслысь өтитормөдтор йылысь юасигмоз мөвпалө, мый сійо сы моз жө кутас узьлывлыны вадорын, кыйны чери, чолөмасыны асья шондјыскөд да радейтны сөні олысь став ловъя ловсө.



ВӨЛӨМКӨ

Школаын велөдчысыяслы паськөм йылысь ёна нин сёрнитисны бать-мам да велөдысяс. Отилы сийө колө, а модлы - оз. Европаса уна школаын паськөм дасьтöны дизайнерьяс. Странаясын, көнi быд школаын эм аслас торья паськөм, весиг ордийсыöны, кутшөм школаын сийө мичаджык.

Быд школаын - ас паськөм

А мукөд странаын эм школаса паськөм?

& Россияын школаса формасө дыр кад чөж лөсьөдөмаөсь военной паськөм подулын. Та понда медводз сийөс зоньяс новлыны заводитисны и сөмын мужичөйяслы гимназияын. СССР кад бөрын формаыс лои матыс сiдз шусяна делөвөй стиль дорө.

& Чужөма школаса велөдчысыяслы паськөмыс Великобританиян. Буретш британечьяс медводзөн заводитөмаөсь пыртны велөдчысыяслөн форма вылө логотипьяс - вышивайтлөмаөсь кепка да паськөм вылө. Водзө вылө тайö традицияыс топыда

вужьяссьөма. Öнi Британияса быд велөдчыслөн формаын эм школаса эмблема.

& Водзтi США-ын ныв-зон формасө новлисны сөмын элитной, озыр велөдчанiнтясын, но бöрынджык и мукөд велөдчанiнө традицияыс вуджис. Öнiя кадö Америкаса штатьясын öтувья

школаса паськөм абу, эм сөмын стрөг дресс-код.

& Китайын школаса формаыс тренируйтчан костюм кодь, а Индияын мөдарө - мича, синмад шыбитчана.

& Мусульмана школаö пасьталöны хиджаб.

& Бразилияын велөдчысыяслөн паськөмын тыдовтчө войтырыслөн спорт радейтөм, стөчдыжка кө - футбол. Челядь пасьтасыöны футболөн ворсан национальной сборнойлөн формаö.

& Австралияса школаын паськөмыс матыс британскöй дорө, но кокниджык да паськыдджык.

& Виль Зеландияын велөдчысыяслөн паськөмыс лөз рөма.

& Весиг Африкаса медичөт го-

сударствовын - Гамбияын - школаын новлөны форма: нывьяс - еджыдалөза клеткаа платтьö, зоньяс - татшөм жö сямма костюм.

& Öнiя кадö технология боксянь медся бур паськөм вöчөма Японияын. Велөдчысыяслөн курткаö пунктöма GPS передатчик, медым бать-мам компьютер отсөгөн тöдисны, көнi налөн быдтасныс. Курткаас эм нöшта отсөг коран кнопка.



ШӨПКӨДЧЫШТАМ

Модаыд тай оз узы - быд во мыйкө выльтор вайё. А такөд тшөтш и важ сикасасө пыдди пуктё. Со и окота лои төдмавны, кутшөм паськөм медся моднойөн вермас лоны тавося ар-төлын том йөзлы.

Мода бөрся вөтчам?

Том йөздыды торйөн нин өдйё дышөдө өти пөлөс паськөмыд. Та вөсна дизайнерьяс лөсьөдөны налы югыд-джык да синмад шыбитчана рөма көлуй. Тавося коллекциясыс сідзи и шусьоны - бунтарскөй панк да бура пукалы casual нырвизьяс. Найё и лөсяласны тинейджерьяслы. Таысь кындзи томуловлы ар-тулыс кежлө поэь бөрийны кучик курткаяс, кодьясөс новлоны байкерьяс, милитари стилия кузь ботинки-сапөг, паськыд ковта-туника, дженыдык скинни джинсы.

Медым нывьяс пыр вөліны мичаөн - дизайнерьяс вөзийоны налы өшөдны голяас мичмөдчанторьяс, югыд рөма шарп-чышгян, но мед эз вөв кузь.

Моднойөн тайё төвнас лоө пеля да тугья шапка. Сумкаяс пөвстысь медся-медсяыс - ноп кодь.

Төв кежлас том йөзлы бура лөсялас и пуховик. Торйөн нин мичаа видзөдсьө капюшонсө гөнөн мичмөдөм куртка. Моднойөн лоас и югыд рөма дублөнка.

Көм вылө кө видзөддыны - медшөрмогыс дизайнерьяслөн вөчны найөс быдлаө лөсяланаөн. Дерт, том нывьяслы окота лоө, медым көм вылад став ёртыс видзөдис да донгялис. Та вөсна налы мода вөчысысыд дасьтөмаөсь милитари нырвизия ботинки - сьөд, мугов, лөз, слива рөма да пемыдгурунвиж рөма көмкот, кодьяслөн ляпкыдик квадрата каблук да колө кузь көвьяс гартны. Югыд рөм радейтысыяслы поэяс бөрийны гөрд рөма либө алөйгөрд да дзирдьяса военной ботинки.

Кроссовки новлыны радейтысыяс йылысь дизайнерьяс абу жө вунөдөмаөсь. Налы дась нин синмад шыбитчысь да дзирдьясөн мичмөдөм көм.

Модаыд пыр кежлө кольё модаөн. Дерт, сы бөрся он вермы вөтчыны. Но томулов пөвстысь унджыкыс оз-оз да и корасны мам-батгыслысь модной паськөм. Гашкө, сийё и бур, мый нывзонлы кажитчө дизайнерьяслөн уджыс. А коды нө сэсса мода вөчысысыд кутасны уджавны?

*Лоөй шугаөн,
лоөй мичаөн!*



“Йөлөгакөд” кө тэ олан – дзоньвидзаён пыр и лоан!”

Абу нин ылын төв пуксытөдзид. И медым сійө лоис виччысынаён, быдёнлы колө удитны дасытыны чужом кучиксө көдзидъяс кежлө.

Мичлуныд да шудыд өтлаын восьлалёны

Мый лоө морт кучиккөд төлын?

Чизыр төла поводдя, температура вежласьом – ставыс тайө абу бур мян кучиклы. Сійө вөсняммө, воштө ва да лоө быдтор кылысьөн. Та вөсна косметологъяс и тшөктөны төв кежлө ид-

равни лөсявтөм кремъяс да вөдитчыны кола-наён.

Мый вөчны?

Медводз быд мортлы колө сюся видзөдны аслас дзоньвидзалун да сёянног бөрся. Быд лун кучиктө колө весавны лөсялысь ваён, а сөсся кремавны. Быдсикас кучиклы лөсялө ас косме-

тика. Та вөсна эн вунөд ньөбигад видзөдлыны да бура лыддыны гижөмторсьыс, кутшөмджык лөсялас сөмын тэнад кучиклы.

Крем-сывороткаясын колө быттьысь аддзыны татшөм компонентъяс: вир-сөн бурмөдысьөн лоасны рутин, нинпуысь про-цианидол, эсцин – мөд ногөн, конскөй каштанлөн экстракт; гөрдө-

дөм да важ кучик усьө-мысь (шелушениеысь) кремсьыд корсь солодкалысь экстракт (глицирритиновөй кислота) да катшасинлысь экстракт (бисаболол). Медым кучикыд эз косьмы – отсаласны глицерин да вазелин. Найөс колө мавтны чужөмад бывлаө петтөдз час джынйөн водз. Крем-сывороткаясад колөны и вита-





мингъяс - Е, А, В3, В5, В8; небзьодысь сквалан, авокадолон да макардамия-лон вый, жожоба, цинк, кремний, линоленовой кислотаяс.

Кучиклы «Пывсян»

Кучикыдлы төвнас ёна отсаласны и сідз шусяна паровой ваннаяс. Найо отсаласны восьтны кучик пораяс да мынтодасны нйитысь да гosityсь. Чужом-киным миян небзяс, лоас мичаджыкөн да бурджыка кутас лолавны, а сідзкө, и крем-маскаыд лөсяланаджык лоас.

Медводз колө мичаа мыссыны. Сэссия босытны ыджыд коструль, пуктыны сэтчө пось ва да ки чышкөдөн вевттысьёмөн пуксыны сы вesityсь. Окотитысьяслы ва пытшкас поэяс содтыны косытом катшасин, календула либө чистотел, а поэьо и ароматической вый войтөдыштны.

Эн вунөдөй, мый кос кучиклы татшөм «пывсянсо» поэяс вөчны куим төлысьнас өтчыдысь,

Радейт асытө, эн вунөдчы мичмөдчыны, и сэки рөмпөштансянь тэ вылө кутас видзөдны шуда да нюмъялысь морт.

бур кучиклы - өтчыдысь төлысьнас, а госа кучиклы - кыкысь вежоннас.

Фрукты - миян ёртъяс

Яблөг, виноград, помидор, апельсин пытшкын эм уна кислота, кодыяс бура лөсяласны миян кучикнымлы. Насысь зэв бур вөчны маскаяс. Сөмын найос колө бура нырны да мавтны кучиктө 15 минут кежлө, а сэссия мичаа мыссыны шоныд ваон да кремасьны.

Фруктыгысь жө поэьо вөчны зэв бур скраб, сөмын содтыны сэтчө кофемолкаын посныдлөм өрек, кофе либө закъяс. Сөмын мавтигад эн гөрдөдтөдзыс нирт - тадзи дойдалан кучиктө.

Сэссия и косметологыяс быдөнлы тшөктөны кучиктө закаляйтны. Кыдзи сийос вөчны?

Медводз кынтыны холодильникад ва кубикъяс, а сэссия быд асыв ниртны наон чужөмтө. Ва пытшкас поэьо содтыны и кутшөмсюрө турун.

Төвся маскаяс

Ёна отсаласны кучикнымлы и төвся маскаяс.

Ыджыд мытшөдъяс-төм кучиклы лөсялас кольк вижысь вөчөм маска. Та вылө босытам колькысь өти вижсө да бура гудралам ыджыд пань тыр глицеринөн, а сэссия мавтам сийон чужөм.

Эм и мөд маска - шомйөв пань гудыртат толокно панькөд. Содтам сэтчө лимон сок да пань тыр ма. Бура гудралам да сідзжө мавтлаам недыр кежлө чужөмнымос.

Кос кучиклы лөсялас мөдджык маска. Колө отилаө гудыртны көнтусь вый, ма, кольк да дрөжжи, а сэссия мавтны сийон чужөмтө.

Госа кучиклы эм жө лөсялысь маскаыд. Та могось колө гудравны ыджыд пань тыр шомйөв, рысь, сов да зия мавтны чужөмтө. 15 минут мысти маскатө мичаа мыськыны шоныд ваон.

«Коми йөзөдчан керка»
Коми Республикаса автономной учреждение,
«Йөлөг» газет редакция.

Адрес:

167982, Сыктывкар,
К.Маркс улича,
229-öd керка,
401-402 кабинетъяс.
Тел. 24-12-22, 24-36-49.
E-mail: Yologa@mail.ru

Веськөдлысь
В.В.ПОПОВ
Гл.редактор
Г.В.МАКАРОВА



Газет паньсы:
Печать да юр сетан Коми Республикаса агентство.
Регистрируйтөма
2007 вося ноябрь 28 лунө йөзлы юр сетом да культураса озырлун видзөм кузя оланпасьяс збыльмөдөм бөрся видзөдысь федеральной службалон Беломорской управленийен.
Регистрируйтан пас:
ПИ №ФС 3-0686.
Социальной төдчанлуна гижөдъяссь йөзөдөма «Коми йөзөдчан керка» автономной учреждениелы печать да юр сетан КР-са агентствоон вичмөдөм сьөм вылө.



Редакциян уджалысьяс:
том йөзлөн мытшөдъяс юкөнөн веськөдлысь –
Надежда Пунегова;

письмө юкөнөн
веськөдлысь –
Екатерина Микушева.



Медводза лист бокас
снимокыс
Павел
Симпелелон.



Авторъяслон мөвпяс оз пыр лөсявны редакциялөн видзөдласкөд.



Тираж – 488
Гижөдчан индекс – 52099.
«Йөлөг» газет петө
1991-öd восянь
вежоннас өтчид, комион.
Доныс сёрнитчөмөн.



Печатьо кырымалан кад:
график серти – октябрь
төлысьлөн 22-öd лунө
16 часын; кырымалөма
печатьо 16 часын.
Газет печатайтөма
«Коми республиканской
типография» ОО-ын дась
оригинал-макетъясысь.
167610, Сыктывкар,
В.Савин улича, 81
Заказ №



Мастер-КЛАСС

Тшөкыда лавкаысь аддзылан сунисысь вөчөм шаръяс - быдпөлөс рөмасө, быдсяма ыдждасө. Вөлөмкө, аслыд татшөм мичлунсө зэв кокныыд вөчны. И керка пытштө наён мичмөдан, и выльеоя коз вылө чача лөб, и весиг мича светильник-люстра артмас.

Дзик быттьө лавкаысь



Колө: сунис, ПВА клей, пöльтан шар.

Мыйсянь заводитны? Дерт, шар пöльтөмсянь: кутшөм ыджада колө, сэтчөдз и пöльтны.
Бывті кө сук ПВА клейыс, позьö кизьöртны ваён. Удж кокньöдөм могысь позьö кистыны клейсö паськыджык дозйö, сэсся клеявыны сэні суниссö. Öткымынөн вөчöны клей дозмукас кык розь да нюждöдöны сэті суниссö.
Суниссö позьö бöрйыны коть кутшөмөс. Верман öти рөм медводз гартлыны, сэсся мөдөс. Гартлөм шарсö кольны косьтыны. Oz ков пуктыны шоныд пач дорö, оз вöйыны и фенөн косьтыны - шарыс потас.
Клей косьмөм бöрын колө лэдзны шарсьыс сынöдсö да вöляникысь кыскыны пытшкөссьыс.
Со и дась ас киён вөчөмтор - мича да аслыспөлөс шар.

